



ATIONIBUS ANNORUM IN HISTORIA  
GRAECA XENOPHONTIS SUSPECTIS.

---

SCRIPSIT

AUGUSTUS BRUECKNERUS

CONNECTOR GYMNASII SUIDNICENSIS.

---

SUIDNICII.

TYPE KUPFERI, TYPOGR. VRAZISL.

MCCCXXXVIII

1858



## ***De notationibus annorum in historia Graeca Xenophontis suspectis.***

---

Quum multa adhuc reperiantur in historia Graeca Xenophontis, quae vel corruptionis vel interpolationis nomine suspecta sint, tum celebrata inprimis ea quaestio est, quam annorum, quae sunt in duobus prioribus libris, notationes moverunt. Quam a Marshamo<sup>1)</sup> primum excitatam mox ita pertractavit Henr. Dodwellus<sup>2)</sup>, ut in eliciendis et olympiadum, quae insertae passim leguntur, et archontum atque ephorum notis, qui post eum ad rem illam animum applicarent, fere omnes adsentientes haberet<sup>3)</sup>. Codicum enim manu scriptorum, ut qui tot praeterea in hoc opere premantur vitiis ac corruptelis<sup>4)</sup>, tam dubia est auctoritas, ut non multum sane ad vindicandos illos locos, qui integri apud eos leguntur, faciant, historica autem, quibus impugnantur illae nota-

---

1) Landat Dodwell. chron. canon. secul. XVI, p. 459.

2) Primum in praefatione, quam ipse in libro de cyclis laudavit, Camdeniana inaugurali, deinde de cyclis vet. Graec. et Rom. diss. VIII, p. 340 — 361.

3) Commemorasse sufficit: Morum (Examen quorundam locorum hist. Gr. Xenophontis, editioni eius praefixum), Schneiderum (Praef. editionis et in adnot. passim), Clintonum (Fasti Hellenici p. 286 not. u. ed. Krüger) et Idelerum (Handbuch der Chronol. 1, p. 272 not. 2). E dissentientibus nonnulli novi Peterum (Comment. crit. de Xenoph. Hellen. 1837), cuius tamen, vix puto refutationem aliquam desideraturum esse, qui disputationem accuratius legit.

4) Codicum Parisiensium quas Gallias publici iuris fecit lectiones (Oeuvres complètes de Xénophon Tom. VII, P. 1. Descripsit Tom. VII, P. 2, p. 89—93) et in alteram suam editionem Schneiderus recepit, etsi magnam partem (inprimis e praestantissimis eorum cod. B et D) in margine editionis suae iam Stephanus ediderat, F. A. Wolfius tamen in epistola ad Schneiderum historiam Graecam Xenophontis non dubitabat opus dicere, ex unius membranae rivalis deductum. Quod iudicium utat e copis illis Gallianis restringendum est, o quibus L. Diindorfii inprimis non pauca adsevit editio, in locis tamen maxime desperatis etiam maxima adhuc ineptia est.

tiones, tam gravia argumenta sunt, ut aut falsa Xenophon quae sciret esse, tradidisse miramque in se inconstantiam admisisse, denique et sibi pluribus in locis et saeculi consuetudini repugnasse censendus, aut locis illis liberandus sit.

Sed latins etiam res ea patere nec solas illas olympiadum et magistratuum notas, sed eos quoque locos complecti videtur, qui annis praeter illas discernendis inserviunt. Tam arcta enim his cum illis necessitudo intercedit, ut trahi iam hac de causa in suspicionem possint. De qua re quae animadvertisse mihi visus sum, iam ita sum explicaturus, ut a Dodwelli quidem illa disputatione proficiscar, sed retractem simul, quae minus ille commodè exposuisse videatur, diligentiori autem eos locos examini subiciam, quos aliena praeter olympiadum et magistratuum notationes opera consarcinatos habeam, sperans simul, fore, ut ad eam quoque, quae mota nuper est<sup>5)</sup> de priorum duorum librorum ad quinque posteriores ratione quaestionem profligandam nonnihil inde conferatur.

Historicae Graecorum artis primordia si Cambysis Persarum regis non tempora excedunt<sup>6)</sup>, logographorum autem, qui dicuntur, opera, non multum illa quidem ab epicis carminibus in pedestrem sermonem redactis diversa, fabulas primum magis quam historias complectebantur, principes illos in historica arte triumviros Herodotum, Thucydidem et Xenophontem primos quoque fuisse fere apparet, quos rerum Graeci suarum auctores haberent. Temporum igitur computandorum studium quum ab acriore demum rerum ipsarum pervestigatione proficisci posset, etiam illud vix potuit animos advertere, quum mythica adhuc et fabulosa historiae ratio esset. Rerum enim quo magis haec fidem et veritatem consectabatur, eo etiam temporum adiciendorum necessitas adaucta est. Chronologiae autem quanta ab initio vel ambiguitas vel simplicitas fuerit, ipsae docent Herodoti historiae, ut, qui non habeat nisi aetates hominum regnorumque a certo quodam sui temporis anno computatorum spatia, quibus ad constituenda tempora utatur. Quid quod Thucydides quoque, quo nemo diligentius versatus est in rebus chronologicis, tam longe tamen adhuc aberat a certa quadam, quam vocant, aera, ad quam amplior quaeque revocanda est temporum computatio, ut in numerandis belli annis aestate quaque et hieme discernenda fere acquiesceret?

Aerae cuiusdam inveniendae primam laud dubie viam monstrabant magistratuum nomina, Athenis archontum, Sparta ephorum. Qui quum eponymi simul essent, quibus decretorum potissimum publicorum anni designarentur, quid magis fuisse historicis in promptu videtur, quam ut arriperent et ipsi hanc rationem et in usum suum

5) Niebuhr, Kl. hist. Schriften p. 464—470. Krüger, historisch-philologische Studien.

6) Dodwell, Apparatus ad Annual. Thucyd. p. 3.

converterent? Et sane tum Herodotus usus est<sup>7)</sup> Calliadae archontis nomine, ut eversarum a Persis Athenarum annum notaret; tum pluribus in locis Thucydides nomina et archontum et ephorum, denique Argivae etiam Junonis sacerdotis retulit. Integros vero iam tum magistratum Fastos extitisse, quales de archontibus postea confecisse Demetrius Phalereus dicitur, vix est cur statuamus. Ex Herodoto enim et Thucydide<sup>8)</sup> colligi hoc nequit. Qui quum eo tantum magistratum nominibus consilio utantur, ut singularum quarundam rerum tempora accuratius constituent<sup>9)</sup>, de perpetuis plane non opus est illorum magistratum fastis cogitemus. Eo quoque loco<sup>10)</sup>, ubi defendere rationem suam annorum belli numerandorum Thucydides videtur contra eam, qua magistratum numerentur nomina, de spatio nonnisi temporis dicit, quod ab initio belli usque ad inducias quinquennales elapsum sit, in quo ne quis de decem istis annis, quos praeteriisse statuit, dubitaret, admonitos voluit lectores, ut ne magistratum nominibus, qui diversis admodum anni temporibus susciperentur, in errores se abduci paterentur.

E scriptoribus illius aetatis nonnisi duo sunt, quibus intentior ad tempora constituenda cura tribui possit, Hellenicus Lesbius et Pherecydes Lerijs, uterque propter scriptiones de Attica antiquitate editas<sup>11)</sup>. Horum de posteriore quid statuendum sit, quum fateant veteres, in medio relinquendum est; de priorē ad Thucydidis<sup>12)</sup> provocare licet auctoritatem, qui quum reprehendisset illum, quod rerum post Medica gestarum minus diligenter tempora observasset, ipse tamen, quamquam accuratius sibi in hoc genere versatus esse videbatur, certam quandam temporum huius periodi computationem non attulit, dubitationum, quas pentecontaetia ista apud posteros excitatura esset, parum curiosus. In quo genere si vetustiores illi historici maiorem ponere diligentiam voluissent, quid causae fuisset, cur e veteribus, quibus omnes illi deperditorum iam operum thesauri adhuc paterent, de Graecorum chronologiae etiam recentioribus v. c. Themistoclis temporibus obscuritate tantopere conq̄esti essent<sup>13)</sup>?

Similis fuit olympiadum ratio. Quae quum et certis usque intervallis redirent et victorum nominibus posteritatis memoriae servarentur, harum quoque auctoribus rerum in promptu fuisse usus videtur. Iusta autem quum chronologia non prius inde confici posset, quam constituto quodam, a quo profisciscerentur illae, termino magistra-

7) VIII, 51, ubi quattuor mensibus postquam Hellespontum cum copiis transire coeperit, in Atticam Xerxes venisse dicitur *Καλλιάδην ἀρχοντος Ἀθηναίων*. Sed hic unus locus est.

8) II, 2. V, 19, 25.

9) Ineventis belli et pacis Niciae, quae dicitur, l. 1. mentio fit, adiectis etiam mensium notis.

10) V, 20. 11) Dahlmann, Forschungen II, p. 128. 132.

12) I, 97 τῶν τε δὲ ὅσπερ καὶ ἤφατο ἐν τῇ Ἀττικῇ ἐγγράφῃ Ἕλληνας, βραχέως τε καὶ τοῖς χρόνοις ἐκ ἀκριβοῦς ἐπεμνήσθη.

13) Plutarch. Themistocl. 27. Clinton. F. H. p. III.

tuum simul et victorum Olympicorum perpetuo quodam ordine comparatio instituta esset, difficilior hoc atque acuminosius fuisse opus videtur, quam cui antiquiores illi historici pares essent. Olympiades igitur quod passim ab iis, adiunctis, simul victorum nominibus, memoratae sunt, factum esse non alias videtur, nisi ubi ratio rerum inprimis tempora iubeat respici. Ac iure illud a Dodwello notatum est, Olympiadum ubi a Thucydide<sup>14)</sup> mentio iniecta fuerit, neque numerari eas, neque stadionicas memorari, qui eponymi facti sint vulgaris illius sed senioris olympiadum computationis, sed pancratii victores, quorum insignius videretur certamen esse. Iam quum scriptoris constet gravissimi<sup>15)</sup> auctoritate, quis olympiadum illam primum cum archontum Allicorum, sacerdotum Iunonis Argivarum et regum Lacedaemoniorum annis comparisonem instituerit, stadionicis, quorum nominum longissime recurreret<sup>16)</sup> index, in eponymorum locum adsumptis, apud scriptores eos, qui ante Timaeum fuerunt, quae numeros indicant annorum olympiades, ea ipsa de causa suspectas habeamus necesse est<sup>17)</sup>.

Patet fortasse his praemissis, quid de olympiadum illis et magistratuum, quae sunt apud Xenophontem, notis universe iam statuendum sit. Quae si ita usurpatae essent, ut singulis tantum iisque memoratu inprimis dignis rebus ad tempora sua revocandis inservirent, offensionis fortasse minus obliicerent, ad anthos autem ipsos quod adhibitae sunt distinguendos et numerandos, a saeculi iam exploratum videtur consuetudine alienum fuisse. Sed ne recte quidem constitutae sunt, duobus certe in locis<sup>18)</sup>, neque ita sibi constitit auctor, ut, quas semel posuisset, eas ubique poneret<sup>19)</sup>. Adsentimur autem in eo quoque Dodwello<sup>20)</sup>, quod exemplum scriptor Thucydides secutus in temporibus acquirerit annorum distinguendis, dum ne ita putemus Xenophontem se ei adstrinxisse, ut eadem prorsus, qua ille, diligentia et aestiva et hiberna tempora notaret<sup>21)</sup>. Intentius eiusmodi studium alienum erat a simplicitate Xenophontis, etiamsi.

14) III, 8. V, 49. 15) Polyb. XII, 12.

16) Pausan. V, 8, 3. Praeter Timaeum sane etiam Hippiae Eleo olympiadum aliqua tribuitur descriptio (Plutarch. Numa c. 1 *ὅν* (sc. *Ὀλυμπιονικῶν*) *τὴν ἀναγραφὴν διὰ τῶν Ἰππίων ἐκδοῦναι τὸν Ἡλείον, ἀπ' οὗθεν δὲ δρῶντων ἀναγκαίως πρὸς πίστιν*), sed incertum videtur, num Socrati qui fuit aequalis, intelligendus sit.

17) Fuisse hoc ipsum constat, quod moveret Marshamum, ut in auspicionem vocaret olympiadum apud Xenophontem et magistratuum notas.

18) Hell. 1, 2, 1 et 1, 3, 1. Vid. Dodwell. de cycl. p. 346 et 347.

19) Omisit enim I, 1, 11. I, 4, 1. I, 5, 1. Cf. ad h. I. Schneidernum in adnot. et praef. p. VIII. 20) de cycl. dias. VIII, 19 p. 341.

21) In qua re quam accurate Thucydides versatus sit, ipsi, quibus tempora annorum commemorat, loci facile docent. II, 1 *γέγραπται δὲ ἐξ ἧς, ὥς ἕκαστα ἐγένετο κατὰ θέρος καὶ χειμῶνα* Initium

hoc agebat, ut Thucydidis continuaret historiam, nimumque illi Dodwellus tribuisse videtur, qui lacunas propterea in Xenophontis contextu, ubi notae illae desiderarentur, statueret. Hoc quoque recte censeamus Dodwellum disputasse, quod non unius sed duorum interpolatorum manus in eo agnovit, quod qui I, 3, 1 et I, 6, 1 anni belli numerantur, non additi essent ab eo, qui olympiadam et magistratum notas adieciisset<sup>22</sup>). Neque enim idem esse potuit, qui quum annum notasset adhibita olympiadam et magistratum computatione belli vicesimum quintum, hunc tamen simul alterum et vicesimum diceret (1, 3, 1), et qui notas indicasset anni sexti et vicesimi, annos tamen belli quattuor et viginti praeteriisse contenderet.

In eandem vero suspicionem eos quoque trahere locos licet, quibus praeter illas olympiadam magistratumque notas annorum vel initia vel exitus insigniuntur. Intellego eos locos, quibus haec fere verba leguntur: καὶ ὁ ἐνιαυτὸς ἔληγεν — τὰ δ' ἐπιδόντι etc.

belli quam diligenter constituit vid. II, 2. Praeterea: II, 47, 70, 71, 103. III, 1, 25, 28, 116. IV, 1, 51, 52, 116, 117, 135. V, 1, 20, 39, 40, 51, 52, 56, 57, 81, 82, 83, 84. VI, 7, 93, 94. VII, 18, 19. VIII, 6, 60, 61, ut eos locos taceam, in quibus singularum quarundam rerum, quae media vel aestate vel hieme acciderunt, tempora designantur. — Apud Xenophontem non desunt quidem temporum notae statim a limine operis. Fisitae autem aestatis, quam Thucydides tam studiose usque notare solet, nulla notatio nisi in vocibus ἀρχομένου χειμῶνος. Iam omissa plane vel exeuntis anni belli XXI vel ineuntis XXII notatio est; ad quam quae pertinent expeditiones, iade a I, 1, 11 narrari, recte statim Dodwellus videtur. Non minus deest exitus aestatis anni XXII et initium hiemis. Ac si hieme neque naves Piraeum ingredi poterant, neque ab Agide rege mitti, qui comestum intercluderet Atheniensem in Hellesponto (I, 1, 35, 36); hieme illa plane non traditur, quid gestum sit. I, 2, 1 extr. enim loquimur: ἀρχομένου τοῦ θύρου. Tam sane ita porro distinguuntur tempora: I, 2, 14 καὶ χειμῶν ἐπέβη (cf. I, 2, 15, 17), I, 3, 1 ἐπεὶ δ' ὁ χειμῶν ἔληγεν, ἔαρος ἀρχομένου, I, 4, 1 τὸν χειμῶνα, I, 4, 2 ἀρχομένου δὲ τοῦ ἔαρος. Post narrationem autem de redditu Alcibiadis (I, 4, 12) rursus destituti sumus exeuntis aestatis et ineuntis hiemis notatione. Neque tamen negari potest, quae traduntur usque ad cap. 5 extr., fieri potuisse, ut ante hiemis initium gererentur. Hiemis igitur mentio etiam hoc loco prorsus neglecta est; Callieratidas enim sequente demum aestate imperium suscipere potuit (I, 6, 1 οἱ Λακεδαιμόνιοι τῷ Λυσάνδρῳ παρεληλυθότος ἤδη τοῦ χρόνου ἔπεισαν ἐπὶ τὰς ναῦς Καλλικρατίδαν). Neque eius anni duplex tempus distinguitur, quamquam II, 1, 1 verba leguntur ἔτος μὲν θύρου ἦν, etc. Lysander autem altera vice non potuit ante proximam aestatem dux navalis cum Araco mitti (II, 1, 7). Et per hoc ipsum imperii Lysandri spatium iterum prorsus deest quaeque aestivi et hiberni temporis distinctio. Quamvis igitur in multis aliquoquin temporum a Xenophonte ratio habita sit (Hell. I, 1, 10, 20. I, 2, 7. I, 3, 4 [cf. Thucyd. III, 1]. I, 4, 12, 20, 22. I, 5, 1. I, 6, 20. II, 2, 16, 17), plura tamen incuriae cuiusdam in hoc genere exempla obveniunt, quam ut par sit Xenophon in eo Thucydidis vel de lacunis continuo cum Dodwello apud illum ex iis concludi possit.

22) Dodwell. de cycl. VIII, p. 347. Eiusdem fortasse interpolatoris fuerunt verba: ἔτος ἤδη τῷ πόλεμῳ πέντε καὶ εἰκοσι παρεληλυθότων II, 1, 7.



Qui quum nusquam reperiantur, nisi ubi olympiades quoque, archontes et ephori memorantur, eandem, quam illa, si genuina essent, auctori inconstantiam obicerent. Nulla enim eiusmodi nec exeuntis anni nec ineuntis, notatio est Hell. I, 4, 11 et I, 4, 1, quamquam hic quoque expectabamus ista καὶ ὁ ἐνιαυτός ἔλθεν, ἐν ᾧ etc. et τῷ δ' ἐπύοντι etc. Quod igitur annorum discernendorum, studium olympiades admiscuit et magistratum nomina, idem reliqua etiam illa ut adiungerentur fecisse videtur.

Sed ipsi inspicendi loci videntur. Annus belli secundus et vicesimus, cuius post missas Byzantium ab Agide naves exitus fuisse dicitur (c. 1 extr.), his praeterea verbis notatur: καὶ ὁ ἐνιαυτός ἔλθεν, ἐν ᾧ Καρχηδόνιοι, Ἀννίβα ἡγούμενε, στρατεύσαντες ἐπὶ Σικελίαν δέκα μυριάσι στρατιάς, αἰροῦσιν ἐν τρισὶ μῆσι δύο πόλεις Ἑλληνίδας, Σελινούντα καὶ Ἰμέραν, quae quidem continuo haec sequuntur: Τῷ δὲ ἄλλῳ ἔτει, ᾧ ἦν Ὀλυμπιάς τρίτη καὶ ἐννενηκοστή etc. De rebus autem Siculis neque in duobus prioribus neque in reliquis quinque libris praeter ducum Syracusanorum, qui in navalibus fuerunt Lacedaemoniorum copijs, mentionem et illud postea a Dionysio praestitum Lacedaemoniis auxilium explicatur, nisi his ipsis locis, quos suspectos de interpolatione habemus. Alienae enim illae a scriptoris consilio fuerunt. Unde annum tantum ut designarent accuratius, posita illa verba et eundem cum sequentibus olympiadis et magistratum notis finem habere videntur. Mirabili igitur casu accidit, ut quem in his auctoris errorem admadvertimus, eundem in illis deprehendamus. Annus is belli si cum olympicis comparatur, in Olymp. 92  $\frac{2}{3}$  incidit. Iam quum Diodorus (XIII, 44), maiore, quum ex Ephoro sua et Timaeo. hauserit (XIII, 54, 60), in his rebus fide dignus, Hannibalem, Carthaginiensium ducem, per aestatem tradat et hiemem Olymp. 92, 3 bellum paravisse, vere autem copias in Siciliam traduxisse, tres illi menses quum adnumerantur, aut annus, qualis a Xenophonte alienus est, olympicus statuatur, aut in sequentem annum illa et obsidio et expugnatio Selinuntis et Himerae transferatur necesse est. Diodorus certe bellum illud Hannibalis Ol. 92, 4 posuit, unde partem certe eius aliquam ad eum annum pertinere apparet, etiamsi iam ante hiemem ineuntem Carthaginem Hannibal reidiit (Diod. XIII, 62) <sup>23</sup>. Quo minus autem, si Xenophontis haec verba essent, cum Diodoro conciliari possent, eo facilius eorum explicatio est, si eidem tribuantur, qui mox sequentem ut designaret annum, Olymp. 93, 1 Xenophonti infersit. Hic enim quum de superiore anno quae Xenophon narravisset, Olymp. 92, 4 perperam adsignaret, non dubitavit etiam Hannibalis illam expeditionem in eum annum

23) Verba illa pro Xenophonticis habens, Dodwellus sic ea cum Diodoro conciliare tentavit, ut de auspcepta tantum apud Xenophontem expeditione sermonem esse contenderet. „Sed σπαρσία, quae vox est Xenophontis, tam de apparatu potuit quam de rebus gestis intelligi“ de cyc. p. 346. Sed captae diserte ab interpolatore urbes istae hoc anno dicuntur.

recipere<sup>24</sup>). Locus igitur non dubito quin ita constituendus sit, ut verba *ἐκείθεν δὲ ἐς Βυζάντιον ἰσίοιθσαν* statim excipiant: *Καὶ Ἀθηναῖοι μὲν Θορικὸν ἐτείχισαν, Θρασύλος δὲ etc.* Quae tempora nota hoc loco requiritur, in verbis *ἀρχομένη τοῦ διέρξαι* (I, 2, 1) continetur.

Ad sequentem annum notandum quae praeter magistratum nomina et belli annos traduntur, ex iis sane afferri non possunt, quibus similis evincatur auctoris error, quum nec Medi quo anno in ditionem reversi sint Darii, neque templum Phocaeae illud Minervae quando de caelo tactum consumtumque igne fuerit (I, 2, 19. I, 3, 1), quod sciam, aliunde constet. Non desunt tamen in ipsis verbis, in quibus iure offendas ac manum interpolatoris agnoscas. Rerum enim anno belli XXIV gestarum narratio incipit a verbis *ἐπεὶ δ' ὁ χειμὼν ἔλθε εἰς ἀρχομένην*. Auctor igitur cur haec verba praemisit: *τοῦ δ' ἐπιόντος ἔτους ὁ ἐν Φωκαίᾳ νεὺς τῆς Ἀθηναίης ἐνεπρόσθη, πρὸς στήθος ἐμπεσόντος?* Num propterea quod rem tam memorabilem ducebat, ut omittere eam nollet, neque tamen haberet, quo aptiore eam loco referret? An quod annum, quem significaturus erat, accurate inprimis inde se designaturum esse sperabat? Sed quomodo tam memorabilis res ea videri poterat, quae ad unam tantum aliquam civitatem eamque dudum de pristina sua opulentia deiectam et ad id delubrum pertineret, quod extitisse fortasse nesciremus, nisi id combustum esse hic nos locus doceret? Maiore cum iure incensi Athenis Minervae Poliadis templi mentio facta est cap. VI inunte, sed hic quoque locus non una de causa insititius esse videtur. Unde grammaticum non temere statuamus aliquem horum verborum auctorem esse, qui quum rem illam alicubi notatam invenisset, Xenophonti eam suo obtrudere non dubitaverit, quam ad annum inservire certius constituendum crederet. Sic autem statuisse eiusmodi hominem, non incredibile est, etiamsi statuisset hoc minus Xenophontem censeamus. Unde hunc quoque locum, verbis expunctis spuris, ita puto legendum esse, ut quae sunt I, 2, 18, continuo sequantur verba: *ἐπεὶ δ' ὁ χειμὼν ἔλθε, εἰς ἀρχομένην, οἱ Ἀθηναῖοι ἐπλευσαν etc.*

Hell. I, 5, 21 annus belli quintus et vicesimus sic concluditur: *καὶ ὁ ἐνιαυτὸς ἔληγεν, ἐν ᾧ Καρχηδόνιοι ἐς Σικελίαν στρατεύσαντες εἰκοσι καὶ ἑκατὸν τριήρεσι καὶ πεζῆς στρατίας δώδεκα μυριάσιν ἔβαν. Ἀγρίαντα λιμῶ, μάχη μὲν ἤττηθέντες, προσκαθιζόμενοι δὲ ἐπὶ μῆνας.* His quoque error subest. Diodoro enim teste (XIII, 79, 80), qui Agrigenti copiose obsidionem narravit, inchoata haec non absoluta est<sup>25</sup>) vere eo,

24) De verbis sequ. cap. 2, 1 ἢ προτεθέντα ξυνοικεῖν εἶναι εὐάγερα ἥλπις operae pretium est conferre Pausan. V, 8, 3.

25) Died. XIII, 91 Ἀγρίαντας δὲ ὄντω μῆνας πολιορκήσας τὴν πόλιν καὶ μικρὸν πρὸ τῆς χειμερινῆς τροπῆς περικύβας αὐτῆς etc. Inchoata igitur obsidio est non ante finitum belli Peloponnesa. an-

quo annus ille Xenophonteus concluditur. Rursus igitur aut annum statuamus olympicum necesse est, quamquam ne sic quidem omnis difficultas tollitur, aut erroris auctorem damnemus, qui dabit, num recte imputetur Xenophonti. Coniecturam si facere licet, quemadmodum eveniret, ut qui annum belli XXVI recte significasset, in rerum tamen iterum peccaret notatione, quaerenda causa in mala rerum Graecarum et Sicularum commissione videtur. Interpolator enim quum novum annum Xenophontem exordiri e verbis τῷ Ἀνδρόνῳ παρὰ τὸν ἄνθρωπον ἦδη τοῦ χρόνου et iis, quae antecedunt illa, conclusisset, olympiadis hinc nonagesimae tertiae anni tertii magistratus posuit. Iam vero quae in sequentibus a Xenophonte de suscepto a Callicratida imperio, de Conone fugato et de Mytilene obsessa tradita essent, in fontibus, quibus ad tempora uteretur constituenda (iisdem fortasse, e quibus Diodorus hausit) ad annum antecedentem relata videbat (Ol. 93, 2). V. Diodor. XIII, 79. Unde fieri potuit, ut quum obsidionem Agrigenti cum illis rebus, quas Olymp. 93, 2 adhuc posita inveniebat, non cum qua debebat pugna ad Arginusas instilas commissa (Olymp. 93, 3) conferret, Agrigentum quoque Olymp. 93, 2 obsessum atque expugnatum diceret.

Anni belli XXVI, quem I, 6, 1 ingreditur Xenophon, notationi tum lunae defectus, qui vespertino tempore incidit, tum combusti Athenis Minervae templi inentio adiecta est. Quod quidem quum παλαιὸς νεὸς dicatur, non Parthenon sed Minervae illud Poliadi delubrum, cui Erechtheus etiam nomen fuit, intelligendum est. Hoc vero constat conflagratum esse paullo ante pugnam Salaminiam, quum Athenas Persae cepissent (Herodot. VIII, 53. 54), neque, quum tardius opus procedere, restitutum ante Ol. 93. Colligitur enim ex inscriptione, archonte Diocle Olymp. 92, 4 incisa (O. Müller, Minerv. Pol. p. 47. Boeckh., Corp., inscr. Tom. I, p. 264), opus tum eo tantum perductum fuisse, ut parietibus et plerisque columnis collocatis totum tamen tectum adhuc abesset, neque scalpda essent, quae scalpda et impolita fere, quae polienda fuissent, quae quidem omnia duobus vix tribusve annis absolvi potuerint. Olympiadis igitur tertiae et nonagesimae anno tertio quum aut imperfectum adhuc templum esset aut modo absolutum, non appellari potuisse videtur παλαιὸς νεὸς. Unde et ipse hic locus erroris convinci atque grammatico potius cuidam quam Xenophonti tribuendus, causa autem erroris in combusto Minervae archonte Callia sive Calliada (Ol. 75, 1) templo quaerenda esse videtur, ut quod ad Calliam, qui praetor fuit Olymp. 75, 1, pertineret, ad Calliam, qui fuit Ol. 93, 3, referretur<sup>26</sup>).

num XXV. Ad annum vero tertium olympiadis nonagesimae tertiae (Callia archonte) refert Diod. XIII, 80, qui annus belli est XXVI (406 a. Chr.).

26) Ita O. Müllerus (Mia. Pol. p. 19, 20), cui tamen refragatus est Boeckh. (Corp. inscr. Tom. I, p. 264), non quo verba illa negaret interpolatori cuidam tribuenda esse, sed quod vera non artitia tradi iis existimavit. „Non opere enim sed origine delubrum illud dici vult

Deinde verba ἢ ἡ σελήνη ἐτέλειεν ἱστέρας rem quidem continere videntur non fictam, quippe quam vere accidisse testantur harum rerum periti<sup>27)</sup>, neque absouam est a consuetudine historicorum ad eiusmodi res respicere (Thucyd. IV, 52: ταῦθ' ἐπιγιννομένα θεοῦς εὐθύς τοῦ τε ἡλίου ἐκλείπει τι ἐγένετο περὶ νοσημῆαν καὶ τοῦ αὐτοῦ μηνὸς ἱσταμένου ἔασιεν), sed mirò tamen modo nouissimi vespertino tempore illa lunae accidisse defectio dicitur. Alia res est apud Thucydidem, qui solis, quam dicit, defectionem ad certum simul anni tempus retulit, alia etiam apud Xenophontem Hell. IV, 3, 10 (Ὅντος δ' αὐτοῦ ἐν τῇ ἐμβολῇ, ὁ ἥλιος μηνουοῖσ' ἔδοξε φαῖναι) et II, 3, 4 (κατὰ δὲ τοῦτον τὸν καιρὸν περὶ ἡλίου ἐκλείψιν Ἀνκρόφων) etc., quamquam hic quoque locus dubitare licet, num Xenophontem auctorem habeat<sup>28)</sup>. Unde eiectis supposititiis legenda illa esse putaverim: ἄλλοτε ἄλλη ὑποβαίνων τῆς τῶν πολέμων χώρας. Οἱ δὲ Ἀνκιδαιμόνιοι, τῷ Ἀνσάνδρῳ παρεληλυθότος ἤδη τοῦ χρόνου, ἐπιμψαν ἐπὶ τὰς καὶς Καλλικρατίδαν.

Anni belli septimi et vicesimi (arch. Alexia Olymp. 93, 4) notationem (II, 1, 10) antecedunt tum verba (II, 1, 7) τὰς μέντοι καὶς παρέδωσαν Ἀνσάνδρῳ, ἐκὼν ἡδὲ τῷ πολέμῳ πέντε καὶ εἴκοσι παρεληλυθότων, quae supra iam spuria notauimus, tum II, 1, 8 et 9 Τῶν δὲ τῷ ἐναντιῷ καὶ Κύρος ἀπέκτεινεν Ἀντοβοισάκην καὶ Μιτραίον, νῆας ὄντας τῆς Λαρκιαῖς ἀδελφῆς, τῆς τῷ Ξέρξῃ, τοῦ Δαρείου πατρὸς, ὅτι αὐτῷ ὑπανιῶντες οὐ δύναντο διὰ τῆς κόρης τὰς χεῖρας ὁ ποιοῦσι βασιλεῖ μόνον; ἡ δὲ κόρη ἐστὶ μακρότερον ἢ χεῖρός, ἐν ἣ τῇν χεῖρα ἔχων οὐδὲν ἂν δύναται ποιῆσαι. Ἰεραιμέ-

παλαῖον νεῶν, ut a novicio Parthenone distingueretur, templique licet flammis prope absanti semper permansisse veterem imaginem, ut noua quoque aedes eadem, quae prisca, habitata fuerit. Rudera adeo eius, donec illud instauraretur, veterem religionem retinuisse Iornu significare Herodoti VIII, 55 ἐστὶ δὲ ἐν τῇ ἀκρόπολι ταῖς Ἐπιθῆδος τοῦ γηγεῖος ἱερουργεῖν εἰσὶν ἡνός. Neque assumptum igne dici sed correptum. "Nunquam autem, puto, mentione dignam rem auctor habuisset, nisi plane combusta aedes fuisset. Dictum vero ut sit templum vetustum, quo distingueretur a Parthenone, quod recentius erat, taceri tamen vix poterat, deletum id esse, quum restitutum nondum esset; hac enim sola ratione παλαιὸς νεὸς dici potuisset videtur.

27) Dodwell, de cycl p. 351. „Aeonum hanc certum facit eclipsis illa lunae, quae astis opportuno configit pro mente Xenophontis, etiam ἱστέρας. Talem enim agnoscit Müllerus (Tab p. 174.) April. XV. hor. 23, 36' 49" post mediam noctem superiorem, anno periodi Iulianae 4108. Nec aliter Usserius, Pefavius (Doctr. temp. lib. X c. 28) e tabulis suis Parisinis Aprilis diei tribuit XVI, et quidem anno olymp. 93, 2. Tabulae nostrae Munych. 1 ab April. die II coe-pisse docent. Sive plenilunium Munychionis (cuius ultimus erat exemptilis) diei XV vel XIV conuenit. Estque rursus exemplum, quam accurate cyclus Metonicus cum caelo consenserit. Cf. praeterea de eclipsibus lunae et solis apud Xenophontem Dodwell, de cycl p. 37.

28) Rerum enim turbare nexum et, quum sol defecisse dicatur mense Septembri, Agia autem cum Lysandro paullo ante, vel Munychione vel Thargelione diense constituto frigida virorum imperio, reliquisse Atticam ferantur, temporum non satis computatio quidare videtur.

νης μὲν οὖν καὶ ἡ γυνὴ ἔλεγον πρὸς Δαρειαῖον, δεινὸν εἶναι, εἰ περιέσεται τὴν λίαν ὕβριν τάτου· ὁ δὲ αὐτὸν μεταπέμπεται ὡς ἀρρώστων, πέμψας ἀγγέλους. Manifesto haec repugnant iis, quae mox §. 13 leguntur. Quum enim §. 9 Darius dicatur Cyrum (anno belli XXVI Olymp.  $\frac{3}{4}$ ) morbi ad se specie vocasse, Cyrus anno sequentē (OL 93 $\frac{1}{4}$ ), quum Lysander iam advenisset, non solum praesto erat<sup>29)</sup> in provincia sua (§. 11 ἐλθὼν δὲ παρὰ Κύρον χρήματα ἦται· ὁ δὲ αὐτῷ εἶπεν, ὅτι τὰ μὲν παρὰ βασιλέως ἀνηλωμένα εἴη, καὶ εἴ τι πλεῖω πολλῶ, δεικνύων ὅσα ἕκαστος τῶν ναυάρχων ἔχοι· ὁ μὲν δ' ἔδωκε), sed de patris etiam nihil dum iussu comperisse videtur. Non ante enim quam Lysander ad naves profectus trierarchos instituisset nautisque mercedem solvisset, Cyrus eum ad se, invitat (§. 13 Κύρος δ' ἐπὶ ταῖς μετεπέμψατο Ἀντισανδρον, ἐπεὶ αὐτῷ παρὰ τοῦ πατρὸς ἦκεν ἀγγελος λέγων, ὅτι ἀρρώστων ἐκείνον καλοῖη, ὃν ἐν Θαρμηρίοις τῆς Μηδίας, ἐγγὺς Καδουσίων, ἐφ' οὗς ἐστράτευσεν ἀφιστάτας). Congruit his etiam Diodorus (XIII, 104), Cyri iter et ipse ad Alexiae archontis annum (Olymp. 93, 4) referens<sup>30)</sup>. Unde nisi de duplici Cyri vel invitatione vel itinere cogitandum est, quod parum credibile videtur, vix potuit, qui illa scripsit, haec quoque scribere. In Anab. I, 1, 1 quoque rem ita Xenophon tradit, ut Cyrum perhibeat ad moriturum patrem (ἐπεὶ δὲ ἡσθάνει Δαρεῖος καὶ ὑπώπτενε τελευτὴν τῷ βίῳ) arcessitum neque ante eius mortem in provinciam suam reversum esse (cf. Anab. I, 1, 3 et Plutarch. Lys. c. 9). Hieramenes etsi haud iniuria pro patre Autoboesacis et Mitraei habetur, hoc tamen operae pretium erat monere, praesertim quum non alias eius apud Xenophontem mentio fiat<sup>31)</sup>; unde laciniae locum non dissimilem duxerim, scriptori cuidam, cuius accuratior aliqua de his rebus narratio fuerat, derēptae. Quid quod Darii nomen, si non corruptum, certe ita scriptum est, ut nusquam apud Xenophontem legitur. In nomine sane Xerxis non fuisse videtur, cur Morus et Zeunius haererent; Darius enim Nothus filius erat Xerxis II, qui post Artāxerxem I regnaverat (Manetho ap. Syncell. p. 75, D. Clinton., p. 326). Mirabilis vero vocis κόρη usus videtur. Nam explicatur quidem sequentibus verbis, sed ea ratione, quae grammatico cuidam quam Xenophonti convenientior sit. In Cyropaedia enim (VIII, 3, 10, 13) et Anabasi (V, 8) res aliter traditur. Hic enim de candybus sermo est, quibus implicitas manus tenuerint, neque κορών mentio fit, sed χειρῶν, etsi eadem hae fortasse fuerunt quae κόραι. Haec autem omnia si recte disputata sunt, verba (II, 1, 7) οἱ δὲ Λακεδαιμόνιοι

29) Dum in imperio est Callieratidas, Cyrus in provincia uaque sua fuisse videtur. Ille enim non solum hic eum adit, sed post etiam inde ab eo pecunia adiutus est. Hell. I, 6, 6. 18.

30) Weseliogius: „Causam itineris, quod Cyrus ingressus est, exposuit Xenophon Hell. II, sed in superiorem annum id conferens.“ Dissensus igitur, quem statuit inter utrumque scriptorem, nullus est, modo interpolatorem a Xenophonte recte distinguamus.

31) Neque e Thucyd. VIII, 58, quem locum Schneiders attulit, aliquid lucis affunditur huius narrationi.

ἴδωσαν τὸν Λύσανδρον οἷς ἐπιστολέα, ναύαρχον δὲ Ἀρακὸν· οὐ γὰρ νόμος αὐτοῖς διὰ τὸν αὐτὸν ναυαρχεῖν continuo excipere videntur haec (II, 1, 10): Λύσανδρος δὲ ἀφικόμενος ἐς Ἐφέσον etc.

Finis anni septimi et vicesimi, qui II, 2, 24 ponitur, quum ad Athenas captas referatur, hae autem sexto decimo die Munychionis mensis (Ol. 93, 4) a Plutarcho expugnatae (Lys. 15) tradantur, suo sane loco positus est. Primum enim belli annum Thucydides (II, 2) ab hoc ipso mense exeunte exorsus est (*Πυρροῦ ἐτι δύο μῆνας ἀρχόντος Ἀθηναίους*). Argumento praeterea est imperii triginta virorum spatium, quod quum per octo menses decurrisset (II, 4, 21) atque hiberno tempore ad finem accessisse feratur (II, 4, 3), sublatum esse credibilis est Posideone<sup>32</sup>), quam quod Dodwello visum est Anthesterione mense (Olymp. 94, 1. 403 a. Chr.). Iam medio hoc anno Dionysius dicitur (II, 2, 24) tyrannus exstitisse (*τυραννίσαι*), devictis ante proelio a Syracusanis Carthaginiensibus, qui tamen Agrigentum frumenti inopia ceperint, relicta a Siculis urbe.

Primum autem demonstrari potest, in hoc quoque peccatum esse contra temporum ordinem. Refert enim Diodorus<sup>33</sup>) ad Olymp. 93, 3, non solum Agrigentum captum (nam quod XIII, 109 Olymp. 93, 4 traditur Himilco aestate ineunte urbem delevisse, primum intelligendum est de reliquiarum urbis iam superiore anno expugnatae penitioris excidio, deinde vulgari apud Diodorum errore non ad ipsum pertinet olympiads nonagesimae tertiae annum quartum, sed ad tertium annum exeuntem), sed etiam novas illas res, quas moliens Dionysius apud Syracusanos tyrannidem affectabat, et ipsum tyrannidis eius initium. Himilco enim Carthaginiensis quum aestate anni 405 a. Chr. n. iam ante initium, ut modo diximus, anni quarti olymp. 93, ad quem Diodorus retulit, Gelam invaderet, expectabat, ut Dionysius cum exercitu in auxilium civibus veniret (XIII, 108), qui mox (c. 109) tyrannus dicitur Syracusarum. Itaque non tantum annus, quo Dionysius apud Xenophontem tyrannidem invasisse fertur, falsus est, sed etiam quod adicitur *μεσοῦντι*. Quum enim per hiemem demum, quae captam Agrigentinorum urbem secuta est, imperium Dionysius occupaverit, medio hoc non potuit anno eo factum esse, cuius a veris cuiusque initio exordium statuitur. Verum vix esset si olympicus annus intelligeretur, de hoc autem si cogitasset auctor, novum interpolationis argumentum accederet.

32) Clinton, F. H. p. 286.

33) Diodoro quod in his rebus ita credimus, facimus non solum Graecarum rerum, quae est apud eum, computatione adducti, sed quia ipsa rerum ratio docere videtur, in Siculorum historia diligenter cum versatum esse.

Deinde *τυραννείν* quum eo tantum sensu h. l. accipi possit, ut „tyrannidem occupare“ significet, dubitare tamen recte possit, num Xenophon ita et diligentius quisque auctor scripsisset. Denique miro modo adiectum est *μάχη μὲν πρότερον ἡγεθέντων ὑπὸ Συρακοσίων Καρχηδονίων, σπάνει δὲ οἷς ἐλόντων Ἀκράγαντα, ἐκλειπόντων δὲ Σικελιωτῶν τὴν πόλιν*, quae verba quum significant „Dionysium tyrannum factum esse Syracusarum, quum Agrigentum a Carthaginiensibus, licet devictis per Syracusanos, captum fuerit“ sensus tamen eorum tum demum recte intelligitur, quum e Diodoro cognoscimus, rerum, in quibus Syracusani post expeditionem illam Carthaginiensium versati fuerint, angustias inprimis fuisse, quod Dionysium regnum affectantem iuvaret. Hoc enim tam obscure significatum est apud Xenophontem, ut verba ista quid sibi velint vix intelligas. Accedit quod aperte repugnant chronologicae rationes, quum comparamus Hell. I, 5, 21, ubi capta Agrigentinorum civitas ad Olymp. 93, 2 referatur, hic autem, et recte quidem, cum tyrannide a Dionysio occupata, quam auctor perperam Olymp. 93, 4 pro Olymp. 93, 3 adsignavit, sic coniungitur, ut integros duos annos vix statui poterit interfuisse<sup>34)</sup>.

Sequentia (II, 3, 1 *ἐν ᾧ ἦν Ὀλυμπιάς* — *καλοῦσιν*), quod Dodwellus (de cycl. p. 359) monet, editos iam a Demetrio Phalereo fastos archonticos sapere, „cum iam versati fuerint in privatorum manibus, qui archontes pro arbitrio admiserint vel repudiarent, non autem coeuvum aliquem scriptorem, qui ex ipsis hausit archivis,“ quamquam minus fortasse recte monuit, quum fastorum vix posset senioribus auctoribus eiciendi Pythodori nominis causa esse; quae tam iusta fuisset Atheniensibus triginta virorum imperio infestissimis, cum tamen verba illa produnt auctorem, qui ita iam constitutos archontum fastos tenebat, ut referendas res omnes ad eos esse censeret. Conciunt igitur hae quoque notae cum reliquis. His autem damnatis, fieri non potest, quin verba *τῷ δ' ἐπιδόντι ἔτι — ἐγένετο ἡ ὀλιγαρχία ὥδε*, quae intacta reliquit Dodwellus, sed quae nisi adiunctis illis sensum vix habent, et ipsa proscribamus. De muris igitur Athenarum eversis quae traduntur (II, 2, 33), ea secuta statim videntur verba: *Ἐδοξε δὲ τῷ δήμῳ τριάκοντα ἄνδρας ἐλέσθαι*. Quo tempore enim creati triginta viri fue-

34) Eodem vitio laborant eodemque nomine suspecta sunt, quae Hell. II, 3, 5 de Dionysio traduntur, qui quum victus a Carthaginiensibus dicatur Olymp. 93, 4, hic non esse potest nisi annus 405 a. Chr. pro rerum a Diodoro expositarum ordine. Indidem autem apparet, tum Gelam et Camarinam, pace videlicet a Dionysio cum Carthaginiensibus facta, amissa esse, tum Leontinos (Gelios et Camarinenses, qui in civitatem recepti erant Syracusarum) et equites Syracusanos urbe excessisse. Cf. Diodor. XIII, 113. Sed in his quoque sermone desideramus diligentiam, quum Leontini dicantur Geloi et Camarinenses, qui tum demum ita vocari recte poterant, quum Syracusis Leontinos accessissent, equites autem missi esse tradantur a Dionysio Aetani, quum e Diodori narratione refugium in ea civitate a crudelitate tyranni quaesivisse feratur.

rint, satis declarabant verba (II, 3, 11): *οἱ δὲ τριάκοντα ἡρέθησαν μὲν, ἐπὶ τάχιστα τὰ μακρὰ τεῖχη καὶ τὰ περὶ τὸν Πειραιᾶ καθήρεθ'.*

Sed restat adhuc memorabilis locus (III, 3, 9—10), in quo reversi a Samo subacta Lysander postquam mentio facta est, annorum belli, qui octo et viginti cum sex mensibus numerantur, ex ephorum nominibus computatio instituta est. Ac nomina quidem ephorum vera esse, ex iis intelligitur, qui a Thucydide passim memorati sunt (Thucyd. II, 2. V, 19. 25. VIII, 58), qui si magistratum inibant auctumno ineunte<sup>35)</sup>, Eudicum, qui postremus vocatur, non incredibile est, iam ephorum fuisse, quum Lysander *τελευτῶντος τοῦ θύους* Spartam reverteretur. Manifesto autem auctor errore liberari non potest, quod sex menses et octo et viginti annos attribuit bello, quod si computatur ab illo Thebanorum in Plataeenses impetu, quam Thucydides duobus mensibus ante finitum Pythodori archontis magistratum posuit, usque ad captas Athenas (Munych. XVI), ne pleni quidem septem et viginti anni conficiuntur; sin adnumerantur sex menses, quos Lysander et constituendo triginta virorum imperio et expeditioni in Samios susceptae insumserit, apud Xenophontem tamen non expectaveris octo sed septem annos notatos. Corrigitur autem, qui hodie reperitur in contextu Xenophontis, numerum audacius fuerit. Neque error ille aliter explicari possit, quam perversa annorum ex ephorum nominibus numerandorum ratione, quam si admisisset Xenophon, in eandem incidisset fraudem, a qua tantopere Thucydides (V, 20) dehortatus erat. Quid quod historiam Thucydides ipse Xenophon primum in lucem emisisse fertur, ille autem septem tantum et viginti annos disertè bello tribuerat? (V, 26: *ἐπὶ δὲ ἐς τὸτο* (sc. *μέχρι οὗ τὴν τε ἀρχὴν κατέπαυσαν τῶν Ἀθηναίων Λακεδαιμόνιοι καὶ οἱ ἑυμαχοὶ, καὶ τὰ μακρὰ τεῖχη καὶ τὸν Πειραιᾶ κατέλαβον*) *τὰ ἑυμάρτα ἐγένετο τῷ πολέμῳ ἔργα καὶ εἰρήνην*. Cf. etiam sequentia eiusd. cap.). Studio autem, quod constat Xenophonti erga Lacedaemonios fuisse, abuteretur, qui propterea crederet, eum chronologicis etiam eorum rationibus se adstrinxisse<sup>36)</sup>. Interpolatoris igitur quae tam

35) Neque accuratius iocantis ephorum magistratus tempus ap. Thucyd. V, 36 constituitur: *τοῖς δ' ἐπιγεγονόμιν χειμῶνις* (ἔκρινον γὰρ ἑκατοὶ ἔτεροι καὶ οὐκ ἐφ' ὧν αἱ σποδαὶ ἐγένοντο, ἀρχοῖται ἦδη, καὶ τῶς αὐτῶν καὶ ἑαυτοῖς σποδαῖς). Dodwellus (de cycl. VIII, p. 320) tamen inde concludit, „coepisse et ephorum magistratum et annum Lacedaemoniorum aequum ab aequinoctio autumnali, vel ab illo potius civili novilunio, quod pro cycli lege aequinoctium illud proximo sequi consuevit.“ Adsentientem habet Idelerum, Chronol. I, p. 362.

36) Unde Clintonum quoque recte statuissse negamus, qui quum Dodwellō in reliquis temporum notis reiciendis adesset, de illo ei ephorum Spartanorum iudicio refragatus est, „Nam Xenophon“, dicit, „bellum ex Lacedaemoniorum computatione circumscribit, quod quum Athenienses urbe capta terminatum statuerent, Lacedaemonii circiter sex mensibus post i. e. auctumno 404 a. Chr., quo quidem tempore Lysander Samo subacta Lacedaemonem revertit, finitum esse sanarant. Consilio suo accommodate Xenophon ephorum nomina, secundum quos Lacedaemonii annos suos notaverunt, proposuit.“ Quid quod ex iudice adeo illo promissio



multis in locis grassata est, opera hic quoque impetasse videtur. Namque si nonquam ille cognasset. Neque ille sane quom undetriginta tempore in-  
leptus est, ut undetriginta etiam annos statueret, sed quon initium  
non accurate teneret et ad verum fortasse tempus referret, factum  
eum, quem indicavit, annorum numerum deveniret.

Haec autem si recte disputavimus, discrimen etiam tollitur, quod  
priora quidam et reliquos posteriores libros statuerunt. Ab ingedibus  
ria quod repetiverunt, nullum est; neque diversa tam temporibus  
quam dicunt, continuationem et historiam Graecam scripsisse<sup>37)</sup>, neque cum  
pensatorem Lacedaemoniis vel infestiorum Atheniensibus in hac quam in illa  
monstrari potest; quod autem quaeviserunt in genere acceptionis, hoc eo im-  
tinet, quod ad singulos intentior annos describendos in prioribus quam in  
libris fuerit, id quod fecerit Thucydidis imitatio, ad cuius in illis plane  
composuerit. Thucydidis autem ut in opere suo diligentiam referret, accur-  
intellimus ei agendum fuisse, etiam si aestiva et hiberna tempora plerumque  
rit, quae vero in quibusdam locis vel exeuntium vel incunium annorum notae  
sunt, rationi partim Thucydidis contraria esse, partim ineptum imitatorum prodire.

---

dieb, quae interpolator singulis annis ephororum nomina adiguavit. Nullo scilicet  
norum, per quae gestum sit bellum, spatium iusto coae legibus intelligi  
sex mensium et octo et viginti annorum notam corruptam vult. F. H. p. 206.

- 37) Accurate hoc demonstravit Krüger (Historisch-philologische Studien), in commentatione de  
pophontis Hellenis, quam ad refutandum Niebuhrum scripsit.

multis in locis grassata est, opera hic quoque impigisse videtur Xenophonti, de quo nunquam ille cogitasset. Neque ille sane quum undetriginta ephoros numeraret, lapsus est, ut undetriginta etiam annos statueret, sed quum initium muneris ephorum non accurate teneret et ad vernum fortasse tempus referret, factum esse videtur, ut eum, quem indicavit, annorum numerum deveniret.

Haec autem si recte disputavimus, discrimen etiam tollitur, quod inter duos priores quidam et reliquos posteriores libros statuerunt. Ab ingenio enim illud scriptoris quod repetiverunt, nullum est; neque diversis eum temporibus illam et Thucydidem quam dicunt, continuationem et historiam Graecam scripsisse<sup>37)</sup>, neque eum vel propensorem Lacedaemoniis vel infestorem Atheniensibus in hac quam in illa fuisse demonstrari potest; quod autem quaesiverunt in genere scriptionis, hoc eo inprimis pertinet, quod ad singulos intentior annos describendos in prioribus quam in posterioribus libris fuerit, id quod fecerit Thucydidis imitatio, ad cuius in illis plane se exemplum composuerit. Thucydidis autem ut in opere suo diligentiam referret, accuratius tamen intelleximus ei agendum fuisse, etiamsi aestiva et hiberna tempora plerumque observavit, quae vero in quibusdam locis vel exeuntium vel ineuntium annorum notae allatae sunt, rationi partim Thucydidis contraria esse, partim ineptum imitorem prodere.

---

dicat, quae interpolator singulis annis ephorum nomina adsignavit? Nihil secius autem annorum, per quos gestum sit bellum, spatium iusto esse longius intelligit illamque propterea sex mensium et octo et viginti annorum notam corruptam vult. F. H. p. 286 not.

- 37) Accurate hoc demonstravit Krüger (*Historisch-philologische Studien*), in commentatione de Xenophontis Hellenicis, quam ad refutandum Niebuhrum scripsit.
-